

懷清堂集卷十四

仁和湯右曾西厓

題韓幹馬

有鶴皆杜荀無牛不戴嵩耽佳好古自一癖韓幹之馬將
毋同開元好畫手多貌青海驄幹也天廐師真龍落筆迴
覺凡馬空今觀此三匹是何骨相傑且雄平沙淺草春丰
茸晴天散牧雲錦叢偶然俯仰各適性意態磊落騰驤中
奚奴碧色懸雙瞳狀獰服古寫更工何從得此秘書省舊
傳賜出明光宮年深隱現粉墨蹤絹古黯黹烟塵蒙人間
但見騶裊影腕底可有精靈通明牕展玩朝日烘目眊驚

此叱撥紅不須真贗苦分別一念欣厭紛無窮錦囊玉軸
緹裹重忽然散落隨天風此心已在解脫海世上休論無
是公君家靜夜月貫虹几案尤物光熊熊神駿恐是于闐
本破裂絕勝龍眠翁差排古迹得未逢不嘶不秣搖三驥
他年如山水波立慎勿攜此過江東

題香山寺圖

八節灘邊畫得無嶺雲沙月興還孤清風一舸棹歌去疑
有水仙來弄珠

一啜茶甘味未回多羅千樹繞香臺祇因七百年前塔曾
見龍門十寺來

絮落萍飄西復東，爪痕誰省雪飛鴻。
憶從方丈三韓外，一點青山指洛中。

幾時真作此山僧，石壁千龕古佛燈。
更擬雪中尋慧可，五峯仙骨秀陵嶒。

送履公往住香山寺

此心宿火撥寒灰，旛動鈴鳴日幾回。
雪裏依然吳會別，丙寅

冬訪師半塘寺留止旬日

夢中曾自洛陽來，任飛白鶴先提錫。
欲飯青猿已築臺。

師到諸天合歡喜，百千萬億閣門開。

香山寺予所重建也，前詩未盡意，復作一篇，仍用原

韻

金碧何從問劫灰伊川勝槩挽仍回恍從禪老浮杯去可
憶檀郎獻座來留客堂寬臨石壁飯僧田薄倚香臺只應
徧種菩提樹

寺少樹
故云

寶藏千花次第開

題汪退谷中允香山詩後

嵩山邈迤來百里到伊闕巖巒忽中斷伊水漾清越山靈
草木香百竇泉爭發層龕金粟影嵌空山石窟東巖青蓮
宇千仞俯硯斲美人何方來美此川上月烟華夕堪采空
水遠欲沒自啓玉齒歌歌聲散林樾鳴鶴久徘徊朱弦坐
趨忽舉芳時有贈懷舊情未歇感茲山澤游喟焉謝朝謁

退谷將歸吳中小詩道別

子歸萬里自天西伊闕春風試馬蹄白傅墓前新月皎羣

郎泉上晚烟迷六時洗鉢多華滿

退谷嘗留金爲香山寺僧買田

千尺磨

崖健筆題

又書香山寺碑及白少傅墓碑各一

今日迴看又陳迹一尊珍重

此分攜

次退谷原韻

留得香山一卷詩

退谷許歸吳中刊自唐以來香山詩都爲一集

寶坊眞喜復開

時大千界裏如來火

寺成後山頂時有火光如斗大入寺遠近居人皆見之

三百年

餘內史碑

退谷未至時寺先有碑若預儲以待者

新種竹枝風嫋嫋乍踈槐

葉雨離離與君他日同歸鞅異代分司共左司

題澤州先生午亭山莊圖

天井關頭太行路千峯萬峯半雲樹仙源迢遞杳不逢徑
欲移家此中住門前嵐翠自朝暮屋下清泉幾潑注沁水
南流午壁亭此是尚書讀書處鵷鸞臺閣四十年金殿疏
越朱絲絃明堂作棟倚大賢維名與功鐘鼎鑄澄心眇慮
萬象先圖史左右羅丹鉛文章一律金石懸雅頌之手謨
誥篇別有遙情寄巖谷水木清暉夢應熟自逐閑雲度析
城常招野鶴歸王屋琅函幾卷窺洞裏仙草千年生澗曲
平泉堂榭一百餘嵩少家山三十六我聞愛山者豈必山
中人千村柳色搖芳春桃花薦錦紅影新方塘布靄綠漲
勻公方謁帝侍紫宸春山可望不可親合眼便與烟霞

隣畫師好手亦莫遇誰爲圖寫傳其真耕烟老人江海客
粉墨荆關見遺跡爲公揮灑無所惜春鳩已鳴杏花白列
仙之癯在山澤公今經國豈辭劇洛下方當相司馬蒼生
詎肯忘安石對公此圖爲公歌請公勿復三摩挲摩挲此
圖重惆悵想見蘿薜紛山阿

送沈澗房之山右

望望并州路情親此送君晚秋汾水雁斜日晉祠雲去佳
心多感衰遲手重分且將懷古意罷酒一論文

哭李寅谷

之子忽云逝書來涕泗流棋消寒夜永酒豁異鄉愁意氣

千金贈行藏一第休遺踪在箱篋筆法暮年適

澤州相公再入內閣和亮功侍講韻

如山比峻海量深東閣招賢集盍簪謝政甫投林下鞅濟
時重灑手中霖松喬位業三生契屈宋風騷萬古心再見
相公調鼎驚都人歌舞古猶今

過德州與田子益話舊追送至二十里驛亭馬上口

占

酒塲詩地草連空四十年來剩兩翁豈意三更明月下依
然並馬古城東長河浩浩催高浪短髮蕭蕭任朔風猶記
得隣堂上會玉笙吹徹燭銷紅

過東林寺

正月二十三日

小憇聊延望，爐峯秀色遮。
青山匡氏宅，白社遠公家。
寺逐殘碑破，泉依曲磴斜。
影堂松雪裏，一樹老梅花。

楓香驛

仙尉壇何在，青城縣久荒。
水爭流稻積，驛自傍楓香。
竹覆煎茶竈，藤垂搗藥牀。
四山迴合處，翠色晚蒼蒼。

望天柱山

峩峩天柱峯，可望不可梯。
蒼然紫翠內，大有幽人棲。
岡前走白鹿，洞口封香泥。
似聞紺瞳翁，金鼎分刀圭。
千秋靈仙觀，名與瀟岳齊。
時有嘉蓮花，千瓣流清溪。
仙源自何處，路

絕人已迷烟月弄嬋娟遙挂玉鏡西忽焉海色動夜半鳴
金雞安坐鞭石牛爲予起鋤犁寸田一成熟磊落棗與梨
茲焉宿夕留王事未敢稽攀星摘日月行待醉墨題雲空
焙藥巖水激風淒淒試呼左元放恐復羣老羝

得張弘遵書並寄覆笥集

小謫猶應傍紫宸靈山別有碧桃春樓臺一一當蓬島風

浪明明接漢津文采石渠留故事姓名玉牒記前因

真仙通鑑

云平固山頂有小石笥藏玉牒記名山福地及得道人姓名

能言奇字時真少君是輪

寥館內人

星隕如雨不在天化爲怪石滄江邊章川貢川不知數搏
沙撒菽誰使然一灘復一灘一灣復一灣南來贛石三百
里恍在蜚風蠻雨間參錯列齒齒屈曲鳴潺潺爭流噴薄
水雪湧四面迴合巖巒環愛此萬古立積鐵濤波出沒堅
且頑有時媚媚弄秀色髣髴明鏡橫烟鬟旣廉以劇神所
利不夷而險天真慳捐瀆撇游敢輕上長年最能用力量
我昨青州過落瀨白雨飛灑衣裳斑打鼓發船百丈牽中
流弱纜斷蒯管吾生微命如戲耳魚龍底用藏神姦明朝
飛檣上天柱沽酒一笑開心顏苦樂更迭無不便江鷗沙
鷺爾許閑他時放溜小牒子看我倚櫂乘風還虔州福地

昔所傳道人天眼開禪關奇峯翠巘疑可到待與猿狖相
追攀花開四照天女蓮居士之竹密不刪不須更載鬱林
石卽此便買愚公山

四月晦前一日雜成十斷句時在三水使館

駢枝爭放赤城霞點點猩紅未足誇卻怪千秋朱鳥影一
時併上日南花

似探玉韞剖珠胎小白輕紅越女腮忍病也須營一飽此
行端爲荔枝來

小山幽處暗香同入夏連春發幾叢寄語月中新桂子自

今更不要秋風

咏月桂

雲車風馬歟交馳破柱翻河又一時惟有此君無限喜夜
來新長籜龍兒

雨銷毒熱氣如秋滿院榕陰翠色流也自絺衣與芒屨老
夫何負嶺南遊

等閒喜愠亦區區暮四朝三爲衆狙辛苦忍教思竹實人
間只有鳳凰雛

生憎怪鳥響鞦韆賦鵬當時有此不安得蓬萊綠衣使爲
予歌舞到金洲

山名在縣江上

佛桑焰焰說燒空浪得虛名爾許同今日一欄傾國色豐
盈爭敵綉毬紅

貽書忽報呂安亡

謂若千

旅館殘燈影半牀從此看花兩行

淚更無人見舊劉郎

閣鈴晝寂吏人稀病瘴經時減帶圍待乞三江一篙水淡
雲輕雨送將歸

庭前月季連旬爲雨所敗昨忽於叢綠中出一枝紅
鮮可愛偶得六言一篇

天紅淨綠不二偶然橫出一枝佛法是何分別拈花微笑
移時

壬辰五月七日在三水使館上乾齋中丞斷句二首
廿年盜竊太倉紅鮮鱸蓬池夢想中今日炎洲嵐瘴裏尚

欣乞米得從公

四壁已聞香出甌半甌乍喜滑流匙遙知帳下千夫膳未
抵書郎一飽時

病起到東軒書所見

雨過江城換葛衣雲中殘點尚霏微佛桑初亞紅一朶已
見滿庭蝴蝶飛

乾齋中丞枉寄佳什俯同拙韻意有未盡復爲五章
又追和之

戟府風清六月霜坐看談笑靜蠻荒庾公樓與山公馬獨
秀峯前八桂堂

禁中頗牧許誰同簡畀西南出 聖衷此日耽書傳杜預

異時截輦記姚崇

文星萬里入牂牁斗極光芒氣象多公是濟時霖雨手五

湖未可問漁蓑

來詩何如釣艇自披蓑

名賢用意自深長館閣猶餘荀令香慚愧疎慵繼公後

五月

廿六日聞有新命重入翰林 禁鐘宮漏幾迴腸

小淹可爲荔支留妙句鏘金一散愁望盡羚羊峽中路海

天涼雨氣如秋

去年被命匆匆出國門方有使事櫻心不復自意更有暇晷拈弄筆墨今年四月

抄先生以流民事得旨會鞫東來三水大雅所至響應景從故情復萌忘其奔鄙先生文章翰墨妙天下右曾羸病連年舊殖荒落運斤大匠之門適足自嗤點耳並書志愧

泊英德城下

山城斗絕一孤舟日看清江泯泯流不競此心真似水忘
機隨地只如鷗風生先入涵暉谷

元次山
有銘

浪起疑吞咤雪

洲嶺嶠幽深羣盜在幾時五管得賢侯

峽山寺

海風東南來帆落江上寺誰云香界遠已逐疎鐘至朝陰
延虛明林影入幽邃舊讀茅君傳十九此福地我到不二
門願聞無漏義禪堂梵唄寂野僧餘三四緣雲窮攀躋靈
境所歷異蘇公有遺跡滅沒巖上字橋迴瀑泉聲懸注百
尺駛盪胸冰雪淨觸石琲璣委昨從廬阜過開先跡猶闕

黃華水簾外得此足慰意山神亦何心飛雨隨屣屣豈應
嗤熱惱出此故遊戲猿鳴山幽幽上下烟蘿翠佳人昔歸
日彈指千歲事長留碧玉環永鎮山門器喟焉空愛染何
處著名利

南山寺納涼

庠編篷篾窄安牕毒熱驅除豈有方瘴嶺雲生明似火蠻
江日浴沸如湯偶尋修竹千竿翠斲借清風一枕涼長記
英州城下路南山孤寺老僧房

聞羣盜營翁源曲江始興三邑連界火燒山下馳往
相視山高路絕備經艱險信宿乃至作一篇

鹿山百里翠氤氳洶洶奔雷洞壑聞鳥道但餘麋鹿跡龍

圍

龍圍石在絕頂去賊巢只數里

已入虎狼羣仙靈縹緲諸天接雲雨虛

無下界分莫怪一身臨險絕草堂猿鶴久移文

發三水戲作

長年上瀨不須愁已挽三江水倒流一夕南風飽帆腹浪

花如雪擁船頭

風意如人往復還來時自北去時南明珠翠羽飄沉盡

一先

日颯風作泊岸官艘重載沉溺始信江神寶不貪

輞川詩畫老兼工三載蠻鄉記土風草木亦如吾臭味荔
枝紅並佛桑紅

味外江瑤應一格詩中含笑合交光海南絕代雙邢尹老
我春風笑乞漿

重經大庾嶺

梅花國裏憶初春丞相祠邊柳色新明日秋風天北路

後一

日立秋

半年瘴雨嶺南人山巖落落羞凡骨雲海飄飄信此

身第一塞遮東嶠口螺紋九磴本嶙峋

江上對月

清江夫如何暝色帶林樾娟娟衣上影漱漱波間月西躔
秋已至南陸暑未歇新浴御織絺迎涼櫛衰髮半年熏瘴
霧海氣侵肌骨詎意一扁舟仍來坐超忽昔經灘石險今

爲江漲沒卽此空世患終焉謝天伐沈沈水精宮蕩蕩白
銀闕幽賞情未已雞鳴榜人發

與邱劇梧

高安官且免糟釭郡治蕭然臥竹牕民事由來等身事蜀

江元只是家江

瑞州舊有蜀江門卽錦水所經劇梧令蜀
温江八年有惠政民歌思之劇梧亦惓惓

不忘故云同攜明月三更笛似到秋風七里瀧老去經營復何

有荒蕪休問石田雙

自過舒城環山流水密竹深林至黃梅復見九江卽

步黃梅店壁上韻

龍城西畔太湖東步步看山了不同雲木週遭三百里此

身常在翠微中

自嶺外歸重經逆旅用壁間舊韻後一日卽到東林

矣 七月十三日

中元節漸近大會說無遮何點雖登席周顒未出家幽期
二林隱遠勢九江斜優鉢曇應見風開菡萏花

東林寺

漸看雲散月流天那得沙崩岸出泉夢裏已空菩薩蓋閒
來聊問祖師禪名山乍到心差領佳句雖存法不傳夜話
亭前重懷古也應學佛也求仙

蓮花池上落還開荔子洲邊去復回炊飯喜當紅稻熟到

門肯遣白衣來氣含蔬笋樂莫樂味戰膏梁才不才暫與
廬山作賓主香爐峯對講經臺

十八臺

萬里征衫洗瘴塵邊沙漠漠起寒雲橋迴野店孤燈出夜
靜空山脫葉聞十八臺空號臥虎兩三戶冷走驚麀侍臣
咫尺依天仗豹尾前頭萬馬軍

壬辰九月十一日 行在啓事凱功都憲以近詩見

示循諷周咏欲作小詩以志仰止而未果也歲暮
閒居輒得八章

龍嘶萬騎曉駢駢赤羽旗邊立仗新一卷把公冰雪句不

知何路有飛塵

四山紅葉及秋遲，卻與黃花九日期。
一鑰詩情誰會得，應於馬上獨吟詩。

潮河絕境自天開，御製詩酬燕許才。
遙望乾光護東壁，一時雲漢共昭回。

三篋河東扈從餘，永興博洽冠周廬。
文章韓杜真何憾，須識胸中萬卷書。

玉壺買得春多態，茅屋聽殘雨滴聲。
何似仙人步東斗，直從九萬御風行。

殷紅刀尺自牀牀，別有天孫雲錦張。
欲覓金針了無處，空

驚七十二鴛鴦

舊巢已隔九重深
老鶴孤飛忽禁林
夜半玉堂還伴直
七條絃上愛希音

廿年文事得從公
沆瀣秋旻一氣中
今日味思禪悅味
醍醐酥酪可還同

懷清堂集卷十四

懷清堂集卷十五

仁和湯右曾西厓

雨後

膏乳爭流野勸耕濃雲旋卷晚還晴萬家燈火常依塞四
面烟嵐盡繞城泥滑過門知客少茶香入院愛泉清夜闌
一枕伊涼夢喚起檀槽鐵撥聲

隔舍有小
伶一部

題畫

清閼閣前烟景富春江上家風悠然雉尾龍尾宛在詩中

畫中

四月十二日宿愷功都憲別墅月中放櫂徧遊諸勝

忽牽野興到江湖沿月扁舟入畫圖幾曲波光連太液千
枝燈影散蓬壺輞川嶺乍迷斤竹洛下花新放鼠姑無數
烟雲滿清供先生自愛列仙儒

自怡園二十一詠同查悔餘兄弟賦

簣簣塢

南階日夜添東谿森復綠君看讀書堂正在簣簣谷

雙竹廊

雷奮穿墻日龍騰破壁時誰能礙高節並上拂雲枝

桐華書屋

庭陰炎氣薄雨滴夏景清高唱出金石載懷東方生

蒼雪齋

北地少竹色低叢亦可愛矧此青琅玕節比江南大

巢山亭

蒼蒼斗立壁中有太古陰雨自膚寸出雲歸鬣隸深

蓮塘

荷花紅似拭荷葉綠堪把遲爾盪舟人月明風露下

北湖

落日荷芰香朝陰梧竹色咫尺烟波間已隔水南北

隙光亭

遙光木末映孤月雲際豁一葉向鷗邊江湖渺空闊

因曠洲

高下唯所適池館還追攀耳目一以曠水天心共閒

邀月榭

謝公卽壑性無事此頻來寧知邀月榭卽是凌風臺

蘆港

明湖思舊歷髣髴廿年事

自大明湖至歷下亭與此景絕似

夾岸蕭蕭聲

已覺秋風至

柳泚

澄波屢迴曲高柳環其中千條與萬葉一一含清風

芡汊

綠盤圓欲齊紫苞剖可食的樂萬真珠水妃惜不得

含漪堂

倒射溪堂明漣漪開夕景漱漱霞上波漾漾月中影

釣魚臺

寓物尚可樂細大理則均海中連六鼈何異一寸鱗

南橋

橋邊巉巉石橋下泠泠水憶昨一扁舟潭烟山月裏

四月十一

夜於此橋下
登舟游歷

雙遂堂

名賢際昌運鐘鼎兼山林濟時稷契老高世箕頽心

紅藥欄

翠色紛可擷紅芳似有期悠悠晚春節小謝省中詩

靜鏡居

萬綠息心瑩百態呈影寫湛然一室中顧此悠悠者

朱藤逕

幽陰逕乍轉蒼翠色如許自繞長廊行不知三伏暑

野航

非舟復非陸

三面
臨水

妙意寄所耽幾時秋水至還共客兩三

憇椿樹下

自愛吾廬美蔭頻一回徙倚一回新青雲布葉偏宜夏黃

纈舒花已過春添得清風生北牖借將翠色與東隣年年不改濃陰在底用莊生紀大椿

五月十三日喜礪房自汴城來京酒闌話舊感賦

千里嵩陽一紙書

先五日
得來書

書來繾繾說相思每嗟落月何

由見豈意深杯忽共持萬事風花傷眼底兩家羊酒記兒時白頭未忘平生約五畝柴桑指後期

宿石匣小菴

地曠金溝館山圍石匣營千巖蒸雨氣五月作秋聲有水皆穿塞何年此作城晚投雙樹宿塵夢一宵清

僧房閒寂偶憶東坡白髮相望兩故人句因念礪房

甫至悔餘將歸隔越數百里不得見也悵然各寄

一首

相顧衰年百不思同開三徑每嫌遲山中王烈呼應出

雄

飛

地下陳琳弔豈知

叔毅

某水某邱猶昨日一班一級竟

何時

欄房方謁
選吏部

期君對酒欣然笑贏得江東號沈詩

鵷鸞臺閣正連翩忽賦歸歟種秫田爲樂每憂兒輩覺生
天一任丈人先元和體有三千首謝朓才論二百年我欲
舉君還自代似君真合領羣仙

瑞應寺並蒂文光果爲愷功都憲作

方之優鉢形殊似擬以摩羅味較融忽見一枝隨驛使驚

傳並蒂出花宮 天題煥爛真成瑞
文苑光華洵屬公
佳兆門闌應有慶
雙生仙果海山中

次韻悔餘畫又詩兼呈愷功都憲

莫笑鄭廣文
寒無坐客氈
莫嗤玉川子
破屋團團天我貧
亦好事有琴
常無絃
君家綠玉玦
半破九府園
復有桃竹杖
登山可梯緣
二美必有合
玉潤竹節堅
仍作靈壽扶
兒童笑應顛
畫又仿古製
六幅挂巨然
故事舉東坡
臨臯日百錢
詩來語絕妙
價抵黃金千
揆公洵彊對
吟廢食與眠
一篇特乞此
句法鐘律懸
定心苟不起
尤物誠可捐
我笑轉一語
鄭壁易許田

康熙五十二年五月二十五日蒙 恩宣賜筵宴得

遊 避暑行宮謹呈懷 恩紀事詩二十四首

入 宮門

苑籞紅泉繞翠岑 萬幾餘暇始登臨
寧知清暑迎涼地 盡是誠民阜物心

登舟

搖溶桂檝漾蘭舟 青雀睛飛彩鷁浮
欲到蓬萊三萬里 應從瀛海更乘流

賜宴

仙人六膳出珠宮 九奏簫韶率舞同
百子池頭萬年樹 侍

臣身在綵雲中

無暑清涼

碧樹周阿夏景清三才萬物厯
皇情每尋解愠歌熏句
已覺涼颼殿角生

萬樹園

遙青不斷綠雲鋪萬木蒼然總畫圖
對面千林有瑤島蓬
壺高處望方壺

趵突泉

泱流噴薄雪成堆潤物資生一竇開
直送恩波到東海
俱從天上發源來

石磯觀魚

穿蒲戲藻自游行集網垂釣了不驚自是
至仁周萬物
一鱗一鬣總生成

瀑布

曾從廬阜尋巖瀑憶到黃華問水簾今日銀河天半落恍
疑兩地一時兼

石壁

迴崖杳嶂翠浮空峭壁巉巉插水中直是五丁開不得天
然疊出錦屏風

曲水流觴

波迴芷岍接菱汀曲水流杯眼乍經總爲
帝書真第一
恍從蘭渚到蘭亭

雙湖夾鏡

夾鏡澄明倒碧虛四山晴翠繞周廬分明圖畫西湖景此
景西湖較不如

稻田麥隴

稻垂麥仰足陰陽土厚泉甘草木香會吐雙岐銜九穗一
星天上應農祥

上帝閣

聖心原自合天心誠敬由來昭格深此日高居瞻絳節

懷清堂集
卷十五
六時仙樂海潮音

西嶺晨霞

軒牕面面納虹霓左是丹臺右玉梯每惜寸陰勤乙覽晨霞紅映數峯西

芝逕雲隄

殊形特似產芝房行盡雲根別有莊橫截一隄銀漢繞大羅天在水中央

白櫻桃

青絲籠裏盛猶早白玉盤中看不殊每向上蘭宮樹望勻圓萬顆水精珠

金蓮花

移根幸植玉階旁
寶地蓮臺萬品香
天與十分端正色
承恩先借御袍黃

馴鹿

仙巖時有絳雲封
榭葉陰邊自養茸
待到千年毛盡白
仍驂赤驥御蒼龍

候雁

將雛挾子共因依
瑤草金沙翠羽肥
從此隨陽天直北
年更不要南飛

草荔枝

龍沙小草孕瓊漿 賜出金盤得共嘗 一自嘉名 天錫
與海南不記荔支香

恭讀 御製麥秋詩

墨海烟雲五色鮮 宸毫灑向麥秋天 自今金匱瑤函裏
併入幽風幽雅篇

恭讀 御製烏鬚文

皇心無僞亦無欺 盥誦 天章謨典垂宵旰 但期民盡樂
不辭點點上霜髭

恭覲 親灑宸翰

筆力直看挽萬鈞 包羅百代典型新 自從羲畫開天後 古

往今來只 一人

恩賜扁額對聯

勉思清白勤官守敢謂文章侍直廬五色榮光照蓬葦子
孫世世寶 天書

閏五月初二日二十日復蒙 恩名隨扈從諸大臣

後 頒賜珍膳兩遊 避暑行宮復撰紀 恩七

言律詩四首

君恩重許到行宮復嶺澄湖望不窮仍泛靈槎渡河漢復
驂法駕上崆峒神臯路迴環仙境福地天開養 聖躬長
願萬年調玉燭五雲樓閣翠微中

謳歌東陌復西阡
瑞麥嘉禾滿塞壩
人慶六旬逢 聖節
天教九域徧豐年
中和氣與陰陽會
易簡心通造化先
昨日山靈出時雨
爲迎仙蹕到溫泉

松風別殿倚層岑
寶字瓊章許遍尋
孝養陔華崇 帝德
阜成民物見 天心
文包理數圖書秘
詩叶咸韶雅頌音
揮翰萬言成頃刻
由來 聖學至高深

龍蔥佳氣按芳原
淑景晴開闔闔門
三謁 帝臺當晝永
每承 宸幄似春溫
風前紅萼穿波出
檻外金英耀日緜
小草亦蒙天地德
微材難報 聖明恩

次韻櫻桃

塞外熟應晚枝頭摘尚先味逾英豆美

山櫻桃名英豆

色並若榴

然密綴瓔相似偷窺鳥作緣山家清供好况乃近宮孺

次韻野雞卵

雉子斑猶未虞人網已羅草深疑乍乳麥秀得全窠破殼
完差少堆盤累已多俊思賓閣味一色耀銀鍋

閏五月廿四日與玉叔通政經憇長山峪北小茅菴
烟光嵐翠洗氛埃憶昨茅亭絕澗隈白雨忽催人共去青
山應識我重來森森灌木陰皆合寂寂巖扉叫不開與子
共乘風兩腋便從此路上丹臺

前月二十二日至菴
中被命追還熱河

題許不棄先人甌香書畫冊

二王遺法未銷亡十紙分明似過江想見夕佳樓上客虬
龍風雨夜穿牕

畫手詩人兩並傳寒藤古木入蒼烟百年浩劫拋殘後猶
記風流水墨仙

懷清堂集卷十六

仁和湯右曾西厓

槐

與作西清故事傳槐龍舞翠後堂前陰濃布葉五六月椽
杙空腔幾百年樹古幸無人翦伐地偏不受物縈纏晚涼
風露齋居夜影在中庭月在天

以一尊送獅峯先生

釀出中泠水分張揚子城百壺殘歲買千里小船迎紫蟹
霜添味黃花夕綴英送君明月夜不負景山鎗

輓履公

履公昔少年意氣多感激追逐幽并兒馳騁游俠窟常跨
追風騎時穿沒羽石一朝忽大笑脫去頭上幘言從釋門
老屢登角巾席談義入空空遇事猶咄咄曾同孫叔處三
上賈讓策參問北寺囚擁護南冠客至今稱義士方外棄
可惜我憶初識師江上月初魄晝灰仙洞古煨芋山樓夕
雲水自此分懷抱終不隔前年到京國告我將遠適我謂
師已衰是處可飛錫龍門蕪沒久寶地我所闢請畱香火
社冀踐支許跡靈山草亦香仙源水更碧三年彈指耳禪
老倏已寂秋林剩遺蛻雲海無畱翮前生憶君房後會話
圓澤餘此露電身衰淚猶一滴

癸巳重九前六日送吳紫葇南還

清游山水閒日念從故人故人翻就我
厯蹠十丈塵此來問何事廿載觀國賓
泮宮芹可採弟子行僥僥可憐苜蓿盤
不救博士貧矧聞中臺選比歲多積薪
明朝告我歸秣馬膏車輪霜天雁行遠
籬落黃花新恨不從子歸說歸已苦頻
譬如畫地餅欲噉知無因薄田亦可耕
釣竿亦可緝所惜江海未易著此身飄
飄白鬚翁歸與靜者鄰兒郎立門戶
文筆已足珍西湖天下景妙絕無冬春
應共王與章游賞昏及晨上爲衝風翼
下爲潛水鱗飛沈定何如此義難具陳

送朱旦平南歸

客中送客迴添愁歸及江村事事幽經歲旅程嘗並馬往

時仙侶憶同舟

謂乙酉扈揚州始相見

蹕

湖聲蓮葉堪銷夏鄉思鱸

魚不待秋應念梁園詞賦地白蘋風起更重游

蚤春書齋

跋履行仍輒褰衣坐每偏梅花初臘月柳色半春天冉冉
旋移籥悠悠忽判年漸看芳意動物態各欣然

題蔡雙瞻勸耕課讀圖

田歌未必便知田才地烏衣覽舉先歸及清溪花繞屋稻
香十頃在門前

六詩三筆駕諸劉腕脫兒郎未肯休他日讀書花嶼上老夫還爲阿戎畱

三月二十三日入藤花廳花事將闌矣

一年容易及花時待到花開看校遲槐柳陰中春已老燕鶯聲外蝶先知綠雲片片將成幄紫玉條條尙綴枝三年來遺事盡花爲吳文定公手植風流畱得在曹司

遂寧尙書有作因次其韻

繇英密葉自年年常在朱闌碧檻前罨畫溪從新竹繞罨畫

溪兩岸多朱藤許渾詠紫藤云家近江南罨畫溪平泉潭共綠蘿懸李德裕有思平泉潭上紫

藤龍蛇屈曲盤空上罽毼丰茸壓架偏豈敢對公終不飲

用包孝肅羣牧司賞花事惜花較似醉差賢

尙書又有綵衣亭藤花詩再次其韻

曾聽三霄鳳響清儵然鶴骨本來輕天教國老顏長駐

太公

年九十餘康強如少時去年春曾來此

人對花枝眼倍明簾外似添香百和

鬢邊能掃雪千莖

常春髮還髻

能使白刃關西望頻回首忠孝

知公萬古情

甲午首夏送楊且園赴江西司馬任

竹林前會共裴回

謂于役懷州時

京國重逢酒一盃自昔荀陳傳

地望於今覽舉識門才詩題嘉祐江亭好官佐鄱陽秋月

來

李白送弟赴鄱陽司馬詩期此秋月滿

石藏山頭茶泛乳千峯翠色越窞

開

浴佛日

拂地簾垂淨几塵高槐影落鳥聲頻偶思浴佛方今日自
愛清齋亦舊因湖上放生誰入會山中燒筍欲嘗新諸天
更乞曼陀雨爲洗紅埃熱惱人

時久旱
故云

題宋喜起晴川望雨圖

使君昔登黃鶴樓晴川極望空悠悠使君復上晴川閣重
向樓中招黃鶴江漢交流清復清高桅大扁漢陽城蒼然
暮雨洪山路猶識使君吟眺處

又題晴川望雨圖

懷清堂集
卷一
四
手挽二石弓目識一丁字大笑兩不如刈禾田家子田家
望歲歲屢豐芎蒲葉綠桃花紅村南煙舍許我同歸當與
子成兩翁

送高則原之永寧同礪房作

連山古洛陽勢盡西南傾熊耳更巉絕削出永固城邑承
詩禮遺俗少錐刀爭年來歲苦旱十室九不耕頗聞窮谷
中時有枹鼓鳴問誰職撫字而令盜弄兵 詔下得賢侯
抃舞走孤筴袴襦足我衣芋豆飽我羹從今得休息豐歲
餘笑聲子有國士風奇節自夙成讀書十行下不取博士
名策中甲乙科詎曰鄉里榮廿載游俠窟鞍馬從幽并南

浮踰江淮海風影縵纓手定溝洫志身載櫟輶行幕府資
俊賢鑒洞心更精旁搜百家術獨往萬古情我小同里閨
結愛弟與兄中間幾聚散如月有虧盈去畱雖殊趨喧寂
無異營茲焉重送子暑雨方淙瑄前望洪河寬取途舊汴
京單車轆轤道嵩少紫翠橫子雖未到官父老歡相迎瑩
爭明鏡徹潔愛寒泉清期子數年中手當把麾旌男兒濟
時了官爵脫屣輕歸來尋二老茗飲同柴荆謂予與
礪房惠休
耽佳句昭畧非狂生

題阮于岳侍郎羅浮香夢圖

先生夢到羅浮村萬株玉雪搖清芬蓬萊宮中綠衣使一

片化作朝飛雲勝情高寄今安有蠻榼三升花下酒雙羊
路入讀書堂借問南枝著花否

梅都官詩風雪雙羊路梅
花山下邨在宣城西南

題廖侍郎小照

華纓寶帶鎮隨身白石清泉夢想頻那得蕭閒遽如許未
妨自寫集賢真

參差玉樹已連叢豈獨黃門有父風添我圖中老賓客尙
思酒食溷秦公

查浦移居作一篇代柬

宅南雅與柳郎親去作青楊巷裏人命駕便如千里遠望
衡猶記兩家春朝昏步屨前真懶風月談諧後要頻祭竈

有期應召我不論新舊總比隣

過查浦新居疊前韻

欣然掃徑得情親坐覺清風遠趁人竹葉一叢還聽雨荷
花六月可畱春暫休簿牘歸差蚤未厭茶瓜到肯頻咫尺
雖嗟門巷隔他年終作五湖隣

送方文翰之官豐潤

時六月朔

百里郎官永濟鄉六街同聽雨浪浪不論穰稔秋田熟已
喜臺符免捕蝗

醴泉一酌夏應寒

圖經地有醴泉

豆飯蒸壺愛長官我笑汧陽未

知味定無餘想到豬肝

地產豬肉至美故戲之

懷清堂集 卷十六 六
立秋後一日愷功都憲苑西別業觀荷偶得六絕句

同查浦侍講作

依舊城南韋曲遊
芰荷香裏入汀洲
水邊已有冷然意
今日西風昨日秋

平泉草木手親栽
十頃風荷爛熳開
閒倚水晶宮館立
待公那得便歸來

優曇妙句析塵空

都憲有園中白蓮花詩至工

轉語還思舉問公等是

千花避顏色未須愛白更嫌紅

蓬池並賜繪芳鮮
隔歲槎浮近斗邊
最是閨風西閣上下

看萬葉盡田田

去年閏五月十九日在塞垣請歸京師特命再畱一日次蚤偕都憲召入行宮

湖中觀新荷時西嶺
晨霞閣登望最盛

分吟猶記繞池行

去年六月花時與
悔餘來游竟日

采采江南贈遠情今

日平津池上客好詩誰繼白先生

樂天有裴晉公集
賢林亭卽事詩

來看一度一華年浪作琴高水上仙
直待波心千葉碧會
應蹋藕也如船

初秋蔗山給諫招同查浦侍講退谷宮允勉齋侍御

小集石幢菴

巋然削出此香臺恰在蒹葭野水隈
一夕冒拋明月去廿
年猶共故人來因緣舊夢銷禡榻
觸迂閒情付酒盃九陌
歸途正燈火少畱未用僕夫催

懷清堂集 卷十六
題吳孝先垂釣圖

冰雪丰神卷裏看
綠楊絲外暎青欄
五湖儘有閒風月
畱取松陵一釣竿

八月十三夜相湖招同天門學士緘菴侍讀聿修宮

贊蔗山蓼亭兩都諫小飲王文靖公怡園偶話舊

事感歎有作

朱門幽寂似巖阿
璧月圓來兩度過

前月十六夜亦集此

今日城南

韋杜少舊時池上管絃多
花經晚晚驚秋未
人顧娉婷奈老何
顏卻玉山拋寶盞
不須重唱百年歌

題西君侍講梅竹圖

偶攜東觀仙人筆閒寫西湖處士花猶恐此花偏寂寞數
枝添得竹橫斜

幽光豔豔猶含凍勁節森森未放春愛爾歲寒雙益友要
從冰雪鬪精神

爲介夫題文徵仲西湖圖卽以道別

水雲光影接樓臺淨拭菱花鏡面開笑我州人如寄客十
年一度此中來

予自丁卯去湖上丁丑一過
乙酉再過今又十一年矣

幾隊笙歌載酒行白頭無復少年情時時夢到湖心寺浴
佛前期爲放生

二十年應無此湖沙填葑合水將枯何人更似峨眉老添

得長虹一綫無

年來湖西南葑草彌望沙又日漲較宋元祐時更甚若於舊隄增庫爲高加廣數尺

人不勞而費省

子歸先合到吾鄉五月風漪菡萏香定有新詩嘲杜甫西
湖涼較鑑湖涼

注水小池

煙翠三峯石清冷一勺池映巢窺雀殼出水戲魚兒細引
泉分笕新牽荇作絲輕冰終夜合待暖曉還澌

數尺俄成沼三峯欲出雲斜能涵月影細亦蕩風紋漾漾
苔磯沒淙淙竹笕分紅魚穿碧藻來往若爲羣

苑西聿修學士新齋

幽棲如小隱把卷有餘歡閒寂人三徑
丰茸藥一闌幕褰風掠戶瓶汲井飛瀾
定有郊居賦何人始解看

藤廳花事較去年殊減

紫藤陰裏重婆娑花事匆匆倏又過
白侍郎來嗟老矣杜樊川至奈春何
赤衣貴仕塵中夢青鬢流年水上波
等是容華易銷歇轉思開少勝開多

安溪相公養疴蒙 恩日賜玉泉山水
二器蓋異數也爲賦八章

螭頭清寫足蠲煩中使頻宣 詔旨
溫天下水泉三億萬更無人得酌仙源

閒徵故事古來無萬口流傳滿上都爭道相公清似水故
教日送兩宮壺

流膏普潤徧桑麻開府畿南澤未涯今日民心合天意固
應宣賜到公家

仙盤欲浥金莖露夏簟思分玉井冰何似昇平黃閣老一
泓靈液掃炎蒸

瀛山甘醴帝臺漿異數長畱政事堂一片清襟照冰雪泛
來花乳古匳香

連筒遠引山家趣置遞遙分水驛程公自無心隨萬物疏
璃一鏡本虛明

異恩殊渥迴無倫康濟應先報國身東海平分千斛水憶

曾宣

勅到波臣

往歲上嘗命郵傳日取海水賜公

淄澠分別定誰賢一線休爭水腳先萬頃何從測涯涘似公涵得性中天

雨行城下

豈敢稽公事泥塗畏此行
綸書排日下朝鼓應雞鳴苔
長侵牆色河添放牖聲今年霑潦晚天復幾時晴

夕涼

夕涼移榻近風櫺籬下秋蟲露下聽月落西廊人靜後小池螢火逗疎星

題三竹圖

凌雲千丈勢小筆疑可掬遙寄北堂人森森護慈竹

乙未六月二十二日偶感

吾廬自好晝陰陰況有清風時出林滿院朝烟涼氣襲平
堦夜雨水痕生乍開舊帙除殘蠹未散餘香戀故衾賸得
些些惆悵處五湖三畝欲歸心

秋來

塵中昨夢黯然消海燕暄涼意欲超展罷小屏香冉冉坐
來大樹影蕭蕭每思抽筍添林竹苦愛看花種藥苗三歲
秋風團扇裏不須惆悵自今朝

次韻總憲李公雨後慈悲閣觀水

不妨冒雨復嬉晴
激激當階水漸平
爲問西風知幾日
草蟲籬落已秋聲

蒼陂面面足延襟
白袷輕寒雨氣侵
忽憶跳珠萬荷葉
一篷遙泊太湖心

拋來浩劫失前塵

予戊辰秋備居黑龍潭下

魚鳥依然識故人
仍到龍潭看飛雨

一年惟此最佳辰

香門百尺蔭疎槐
新築蘆塘荻岸隈
他日山翁肯同醉
蹋泥衝雨試重來

小池上

竹作屏風花作藩一泓剛對綠蘿門水涼池面新秋影苔
漬磯頭舊雨痕疊石會應藏曲折引泉正愛聽潺潺曉來
唼喋菰蒲上二寸紅魚是小園

眼疾

坐想金篦刮膜難生憎玉屑眯雙丸經旬酒盞疎勤把累
日書牀廢靜觀障礙風燈吹不滅清涼月露洗教看待窮
目力三千界變幻須臾一指彈

題王儼齋尙書橫雲山莊圖

勛名直與古爲徒邱壑從知道不孤瞥眼由拳郊外墅平

泉木石輞川圖

蚤分霖雨到人間棟宇烟雲日往還指點玉屏金柱好共
言申甫此家山

生綃一幅武陵源曲浦迴塘欵乃村明月三更淞上笛芙
蓉九朶恰當門

秋來紅粒夏青秧十里平疇秔稻香也是午橋裴令意要
將餘興看農桑

誦法平生孔與周講堂微義足研搜蚤聞別派驅楊墨一
疏江河萬古流

清言問答寄樵漁博物高文味道餘池上詩情許誰似一
船雙鶴白尙書

烟波點點出帆檣
咫尺仙家浮玉堂
好手爲公摹寫得
太湖三萬頃波光

經游謝墅十年中
惆悵橫雲目未窮
今日江南好樓閣
紅菱雨過白蘋風

啟心造膝荷殊知
特詔臨公書局隨獨樂園中最相
憶合先鱸膾次蓴絲

柳橋波細澱山春
他日追陪杖履親
只恐調元黃閣老
五湖未許乞閒身

聞退谷中允園出清泉奉訪有作

幽居人似在青山
窄窄松扉靜不關
鋤菜已欣新甲長
種

花聊趁晚秋閒心依豐草長林下家住廉泉讓水閒澄碧
一泓深見底尚留蒼翠古錢斑

抱樸來京師視予夜窗情話連宵不休越二十五日
告歸予惘然益增鄉思首邱之請又未可期也因
作七律一篇以示抱樸歸於湖橋風月時試一展
誦塵土勞人彌可念矣

歷徧天涯類轉篷

抱樸已歷過
十一省矣

忽欣花下一樽同文章須

要追前輩清介居然有父風得樹暫依終是客服官盡瘁
久成翁歸家煩與湖山約五畝荒莊夢屢通

懷清堂集卷十六

懷清堂集卷十七

仁和湯右曾西厓

乙未中秋後三日恭和 聖製奉送安溪相公薨假

歸里

濟世功名蓋代儒奉持堯日矢臯謨健隨 天共三辰轉
煦若春回萬卉敷歲早舊須霖雨佐時平今應泰階符欲
知元老勛高處度竿懸繩悉坦途

頗牧曾傳禁署儒蠟書閒道贊 神謨請殲妖鳥猷真壯

嚴戮封狼 命再敷王畧心勞明皎日兵機手畫授陰符

孤忠最憶艱危際歷盡羊腸九折途

孔周絕學繼醇儒

金殿洋洋翊

聖謨道合三才源奧

衍筆開萬象景紛敷丹青姓氏前賢貴魚水君臣異代符
千樹棠陰畿輔在壺漿父老拜前途

祖道

天章寵碩儒上台虛位竚嘉謨都亭暫別千官會

政府重來五典敷國事較於身事急人心實與 帝心符
潞公九十朱顏好何限烟霄萬里途

喜馮文子至

欣聞故人駕來共菊花時吳會幾時發嵩陽隔歲期烟波
三載濶風雪一官遲攬鏡休嗟歎峩嶢綠玉枝

胡侍郎抑齋招同羣公寓樓小飲時長至前五日

南宮下直盍朋簪近臆盃添綠蟻深天宇空來餘脫葉夕
陽明處數歸禽城隅車馬勞人態河畔冰霜晚歲心雪後
看山應更好他時重約此登臨

嘉平九日仍用前韻奉簡抑齋先生前有雪後看山
之約故篇中及之

西嶺雲堆綠玉簪不知雪片夜來深衝寒未稅投林鞅忍
凍難飛出谷禽病負一尊前日約臥思三白老農心敝居
差有巖中趣指顧春風肯暫臨

乙未除夕前一日次韻張漢瞻見貽之作

立馬江濱記別筵看羊海上數離年

昔與漢瞻刑江
言別十九年矣每因

懷清堂集
卷一
出谷思求友差喜連章得薦賢紅頰相看猶好在白鬚一
笑正飄然明朝待進春端帖憑仗詩催淑景先

再疊前韻送陳季方

貧家蔬菽愧賓筵柏葉椒花已判年落紙烟雲人共貴到
門羔雁子真賢通經致用名高甚將母懷歸意灑然綠暗
江南萬楊柳放舟猶及絮飛先

人日漢瞻文子思敏季方大昉峙公寓齋小集仍用
前韻

傳杯今夕是初筵良友相於可判年剛喜入春方七日況
逢畢至有羣賢林中蕙草曾生未江上梅花尙宛然

有盆
梅一

本老翰疎
花絕可愛
爛漫星橋三夜月
後期更約試燈先

藤花廳寄唐東江司勳

楊柳江潭手重分
幾回書札話殷勤
極知說士甘於肉
每惜論交散若雲
松菊未荒餘舊業
風流不墜寄斯文
紫藤花下陰濃處
二十年來轉憶君

丙申四月三日奏事苑西蒙
恩賜黎溪石硯一方

歸示兒子學殖

殘書老眼兩三行
伏獵猶存此侍郎
東觀殺青何日是

余承

修書局蓋
五年矣
綠雲一片媿分將

小兒困臥強書驚
苦念彭殤理未齊
今日祥光生墨海
永

年兩字自

天題

硯背有以靜爲用是以永年八字銘蓋御筆也

五月二十二日檀淵道中喜雨有作

昨暮雲興似翻墨雨腳垂天萬條直綠槍攫攫作猛聲銀
竹森森帶寒色野庭商羊舞一足鮮水鳴蛇斂四翼流從
舍東繞舍西雷自山南轉山北天將甘雷慰 聖意民以
豐年感 帝德且欣此夕有安眠更喜今秋得飽食長安
故人應念我滑滑泥深行不得豈知瀟洒入山程爲賦新
詩報相憶

送裴香山副使

時有修濬西湖之約故賦此篇

使君未到官三載湖中居鷗邊渡水槩花下平肩輿時叩

野人門或尋開士廬佳辰恣搜討妙意紛卷舒竭來十餘
年風月情相於忽傳尺一詔隼畫翩翩旗昔游多所欣今
往復何如官曹領鹽鐵典掌兼傳車別我炎氛中涼颺生
衣裾首言安人術次問當官譽我笑謂使君子器貴璠璣
風清萬廣厦弊絕百吏胥公事了湖中塵累何足祛惟聞
古良牧水利先堰瀦六井鑿鄴侯泱泱鳴清渠築隄白與
蘇長虹跨天墟一寸資灌溉百里潤耕畚只今湖西南日
夜沙填淤老葑更蔽翳滋蔓不可除譬如明鏡圓已蝕半
蟾蜍使君能規度較易元祐初增庠以爲高加廣數尺餘
金錢費差省畚鍤力亦紓美哉復舊觀快若親爬梳渺瀰

天水色蕩蕩涵空虛我歸期明年言從漁父漁無煩兩黃
鵠已騰父老書何以獻使君木瓜報瓊琚平湖共臨汎十
頃風芙蕖何者知最樂南屏金鯽魚

重過萬柳堂

小紅橋上立移時四十年來再到遲一片蒼葭迷野水幾
行疎柳帶荒祠笙歌不記回燈舫魚鳥誰能認鬢絲剩有
懷人惆悵意春明舊夢省郎詩

題沈心齋閣學蓮塘小影

先生水石興猶偏荷葉荷花淨可憐但得環城三十里不
須更問雪溪田

萬家笑語藕花洲何日相携一葉舟玉鑑光中人照影水
晶宮外月橫秋

十一月廿二日夜嘔血至升幾死後數日稍平隨意
所至輒作一首

丹竈紅鉛未奪胎忽從水底起龍雷龜蛇松下尋難得和
扁門前望不來親舊相看還歎息吏人走報各驚猜須知
幽闕重扃裏會有青銅鑰自開

歎歲流移失拊循可憐雀鼠指空困病無力奮垂天翼老
只心驚下阪輪嵩少買田思舊隱首陽埋骨愧前人燭邊
細字文書在倦眼昏花讀未真

默從泉路數交期逝水流年已可知蠻府尙餘碑下淚

寓昭

吳都猶唱卷中詩

元朗

三生聚會應何日六客存亡又一時

昨夢通明殿頭過依然玉立在瑤墀

定制每九卿乾清門奏事給事中八人班

殿下予與兩君先後同官嘗同入直

從此真須勇退耕稻畦桑塢足閒行子孫私計誰推荷疾
病餘年小太平雞黍有時招近局漁樵重話似前生貽書
先報山中友已覺風生兩腋輕

汎湖船上一袈裟

家兄廣厓自乙亥卽棄諸生出世

宿植超然詎有涯兄

弟蚤年同奉佛宦遊今日竟忘家對牀苦憶蕭蕭雨入室
空求冉冉花餅鉢歸尋清淨飲不須更吐飯中沙

爲勉齋侍御題日南種菜圖

由來循吏是高人繞舍秋風小
摘新尙有雨餘行菜地食
鮭誰信庾郎貧

放衙藥裹並詩囊苦霧三年在瘴鄉
猶是書生蠶百甕可
須消食進檳榔

自昔風流南路徐羊羹鵝炙乞殘餘
一從斂版山城後菜
把園公謝不知

幽期抱甕古猶今茄菜蜂蟬小筆尋

徐崇嗣有蜂蟬茄菜圖

秋末晚

菘春蚤韭一畦烟甲五湖心

送黃補齋之胙城任

每從淇汲寫遺聲
白水青山入洞庭
他日會書循吏傳
絃歌好爲采風聽

雨中柬介夫妙光閣

煩襟苦側塞曠思
城西遊五更夢回
時葉上雨點稠朝
來勢轉劇懸河注
瓦溝起行忽平階
一一散浮漚阻此
步履尋默憎呼婦
鳩徐思病新差合
遣筋力休門前泥
活活去馬迷來牛
輻脫軸亦折一日
閒且偷秋雨山中
居百道清泉流我
今試合眼得似山
中不

城西有招提佳處
置小閣閣外三兩
峯西山蒼翠削其
下有孤亭四面繞
花藥尙書經營初
賓詠時閒作相公
繼遊

屐每放林間鶴

庚辰辛巳間文靜公所
畱雙白鶴尚在閣後

回頭三十年空憶

風撼鐸老僧無舊侶香火冷佛腳東隣秋樹根疇昔下簾
幙與子讀書處經行恍如昨但念今者苦誰省曩時樂苦
樂行兩忘何知風雨惡

舍旁新拓書齋做樂天體

六十過頭是幸人如何不樂損天真但令有石皆應拜縱
使無花也當春堆案圖書堪送老滿林風月未全貧更營
煖室莎臺上調護冰霜歲晚身

經過步履卜隣初景物園林南路徐

地初經營於山陰徐
氏壬申癸酉閒予僦

屋鄰並常
遊憇於此

人去已同流水逝燕來還認故巢居連峯紫翠

看皆好喬木風烟畫不如塵事少休來獨坐恍疑仙爪爲
爬梳

孟門虞阪路艱難扃戶知無異患千幸以疎狂逢 聖世
況兼蕭散本儒官閒中掃掠新蘿徑病後扶持舊藥闌裝
點青紅任兒女欣然一笑得加餐

見山便已似還家偃仰幽情十倍加隙地更思勤放竹明
年準擬徧栽花故人來共畱終日名酒求還載滿車長憶
風流謝康樂不曾邱壑廢京華

南齋遣興

落落心逾冷冥冥眼欲迷五株桃樹底一角草亭西石逕

從教窄柴門不厭低舊譜卑冗趣轅下笑雞栖

料峭寒猶甚窗扉幙重遮凍含連日雪風散一城花宿火
勤煨芋清泉細品茶尙餘閒氣味依約似山家

洛濱經歲憶京邑蚤春期勸客三杯釀畱僧一局棋

雪川長老

善碁時將
歸香山

心悲如滿塔卷牘惠休詩

謂影
堂師

何處飛空錫咨

嗟病起時

春日春盤後華燈滿禁城烟花南部夢鐘鼓北平聲宦拙
如朝隱交疎見物情莫嫌人共棄且得免逢迎

吉語喧都下軍書日夕多平安傳堦火兵甲洗天河白馬
經新入青牛客屢過幾回雞樹下衰老重婆娑

右軍誓墓後志欲老江東築室依封樹浮家狎釣筒柳隨
低岍沒葑卷半湖空舊觀何當復蘇公繼白公

弟兄皆奉佛給事有西莊蘿薜門常合烟霞興不忘四松
依石瘦一水帶溪香子季還吳日靈禽集講堂

藥物求何益醫門覓更難撥書愁夜永擁被怯春寒挑菜

逢新節移花壓舊欄

從花窖買
十餘本

明朝正祈穀燿火接郊壇

病後月餘不能出臥室悶甚聊作數篇解嘲

丁酉五
月十九

日

閒看乳鵲翻林日靜見新菰冒水時一榻風簾敲角枕合
歡花影正參差

嵌空剔出舊莓苔小小雲根翠壁開借問三峯誰判與可
曾載自太湖來

水活漣漪徹底清跳波戲藻小魚行更穿屋下仇池穴臥

聽風泉瀉壑聲

戲作連筒引水從塔下
石罅注池淙淙有聲

空堦永日綠陰鋪炎毒人間定有無莫笑吾廬猶火宅仙
家珠樹恰三株

茉莉花繁抵素馨自開自落在中庭誰家月下褰簾女

朶香銷宿酒醒

忍冬幾本雪霜加

去年小雪後
編籬移種

寒甚移來好事家今日浴

籬總生意不須更待蚤秋花

由來貴種出天工
夾竹桃開有兩叢
誰遣畫師來貌得
淇園綠映武陵紅

寸根栽向曲籬旁
培護還同百草長
他日西風寒露裏
一

枝獨秀雁來黃

已上皆室前所有

十二月十二日晚
天門枉駕見存
予方在疾病涕淚

中不覺其言之悲也

數卷恒河萬劫沙
幾行衰淚落悲笳
故人白水言猶在
歸夢青山路正賒
剩有高吟排雪浪
小畱輒語綴燈花
他時中禁思才子
先問元和宰相家

懷清堂集卷十七